



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

891.99

U-25



15



1904. № 3161.

32 48

70

# ԱՋՐԱՅԻԼ

ՀԱՅԿԱՍՏԱՆԻ  
ԳՐԱԴԱՐԱՆ  
ԵՎ ԳՐԱԳՐԱԿԱՆ  
ՊԱՐԹԻՆԻՍՏԻԿԱՆ  
ՍԵՆՏՐԱԼ



1904

(47.925)  
Ա-25

915. 5 409.



С арт-к  
3247

⊖ (47.995)  
У-25

БИБЛИОТЕКА  
ИНСТИТУТА  
ЭТНОЛОГИИ  
Академии Наук  
СССР

Ա Ջ Ր Ա Յ Ի Լ



Ա Լ Է Ք Ս Ա Ն Գ Բ Ա Պ Օ Լ  
Տպարան Յակովբ Ղասապխանցի  
1904



- 01. 2013

17543

891.99

44

4-25

24 MAY 2005



3531-48

Մեծ Հայքի ընկնելուց լետոյ նրա մի ամբողջ գաւառ՝ Սիւնիքը չուզեց ենթարկուել օտարի լծին. արիւնով ու զէնքով պահպանեց նա իր անկախութիւնը Փոքր Կովկասի լեռներում, որ լետոյ կոչուեց և Ղարաբաղ: Այս գաւառի բնակիչներն արժիւնների նման ամրացան իրանց բարձրութիւններում և աննկուն կերպով պաշտպանում էին իրանց հայրենիքը, կրօնն ու լեզուն. սրանց ջանքովն էր, որ փոքրիկ Ղարաբաղն սկսեց փայլել իր պառաւ մօր՝ Հայաստանի վաղեմի փառքերով: Նա ծաղկում էր ու զօրանում հաստատ մնալով իր անկախութեան մէջ. ու յուսարի էր, որ Ղարաբաղը, արդէն իբրև մի զօրեղ իշխանութիւն, չ'պիտի բաւականանար իր ժողովրդի հանգստութիւնով ու բաղաւորութիւնով, այլ հաւաքելով իր բոլոր ուժերը, պիտի գնար վրէժխնդիր լինելու բարբարոս թշնամիներից իր անարգուած հայրենիքի, աւերուած տաճարների և եղբայրների կրած տառապանքների համար:



Բայց... բայց կայ մի սուած. «Հայի տունը  
կամ ինքը հայը Կրօնդի, կամ սատանան էլ  
չի կարող քանդել»: Չուր չեն հայերն այս ա-  
սածը հիւսել...

Պարաբաղի իշխող մելիքների մէջ տարա-  
ձայնաւ թիւններ ծագեցան, իւրաքանչիւր մէլիք  
գաղարեց թէ իր հպատակների, թէ Պարա-  
բաղի ամբողջութեան վրա հոգալուց. նա  
մտածում էր միայն սրագայթներ լարել իր ազ-  
գակից մէլիքների դէմ: Օգուտ քողեչով այս  
երկպառակութիւններից, հարեան թափառա-  
կան թուրքերը յարձակուեցան դեռ մէկի, ապա  
միւսի վրա... Եւ մինչև անգամ այս դիպուա-  
ծում չ'մոռացան թշնամի մէլիքներն իրանց  
անձնական հաշիւները. նրանք չ'միացան, որ  
ընդհանուր ուժով դէմ դնեն թշնամուն, ինչ-  
պէս դէմ էին գնում մի ժամանակ միացած  
ու հարուածում շատ անգամ աւելի զօրեղ  
թշնամիներին: —

Ահա այստեղ հանգաւ Պարաբաղի երջա-  
նիկ աստղը. թուրքերը լցրին իրանց հրօսակնե-  
րով գիւղերն ու քաղաքները և արիւնով հեղե-  
ղեցին բազմաչարճար ու փառաւոր Արցախը...

Ա.

Արեւն արդէն մայր էր մտել. Երեկոյեան

Աստղն էլ մօտենում էր Ու չթէփէ բլրին. հովտի  
մէջ թիկն տուած մի քաղի՝ նստած էր ծեր  
հովիւր. նա վաղուց փչում էր սրինգն ու  
ցրուած դառները կամաց-կամաց հաւաքուած  
էին նրա շուրջը: Մնացած հովիւներից մէկը  
խուրջինից հաց, պանիր էր հանում, իսկ եր-  
րորդը գնացել էր մեծ պղնձով առուից ջուր  
բերելու: Սրբնգի կլկլոցն երբեմնապէս ընդ-  
հատում էր շների հաջոցը, սրանք կորած գառ-  
ներին ճանապարհ էին ցոյց տալիս: Այդ ժա-  
մանակ արեւելքում կարծես երկինքը կրակուեց.  
ծագեց բոլորակ լուսինն ու շները կատաղի  
հաջոցով յանկարծակի դէպի մի կողմ արշա-  
ւեցին: Հեռու հովտում երևաց մի ձիաւոր:

— Ազա՛ Ջամալ, Գիւլքի, տեսէք էն ով է,  
շները վնաս չ'տան, ասաց թիկն տուած հո-  
վիւր սրինգն ընդհատելով:

Ջամալն իսկոյն հետևեց շներին, նրանց  
զըսպել աշխատելով. Գիւլքին նոյնպէս ճանա-  
պարհի մէջ տեղը թողեց պղնձն ու վաղ  
տուեց այն կողմ:

— Ե՛լ, ո՞վ ես, ո՞ւր ես գնում, կանչեց  
Ջամալը կանգնեցնելով ձիաւորին:

Ճանապարհորդը պատասխանեց, որ գնում  
է Հալիձոր ու խնդրեց, որ զսպեն շներին:

— Սխալ էր ջան, գիշեր ժամանակ է, ասաց  
Գիւլքին, Պարաջօրու թուրքերը կատաղել են,



դու մենակ ես ու հազար մի փորձանք կայ ճամբին. արի՛, էս գիշեր մեզ մօտ անցկացրու, մեր աղուհացը կէր, էգուց առաւօտ՝ Աստու խերին քեզ ճամբա կ'զցենք:

Ձիււորը փոքր ինչ տատանուելուց յետոյ համաձայնեց. նրանք շտապեցին զէպի հօտը:

— Բարի աջողում, չորան-ախպէր, ասաց ճանապարհորդն երրորդ հովւին, որը սպիտակ մագերով, բայց դեռ աշխուժ ծեր էր: Սա հովիւների գլխաւորն էր, անունը՝ Թիւնի:

— Աստու բարին, զոնաղ-ախպէր, պատասխանեց հովիւն ու խկոյն վեր թռաւ օդնելու ճամբորդին, որ ձիուց իջնի:

Ճամբորդն իջաւ ձիուց, եափնջին ուսերից ձգեց, փռեց գետնին. ինքը պառկեց նրա վրա գլուխը կռանը յենած՝ օտքերի մէջ առնելով հրացանը. նրա յոգնած, փրփրոտած ձին ման էր ածում Ջամալը, խկ Գիւլին ճանապարհի կիսում թողած պղինձը բերեց ու մի կողմ քաշուած՝ մորթեց գառներից մէկն ու փորոտիքը հանում էր:

Լուսինն արդէն բարձրացել էր լեռներից. գառները հովիւների շուրջ հաւաքուած՝ գիշերուայ ցրտի ազդեցութիւնից՝ երբեմն թափ էին տալիս մարմինը, բուրդը բիզ-բիզ կանգնեցնում. շներն էլ հաւաքուել էին Գիւլու

շուրջ, նրա մորթելը դիտում, աղքները հաւաքում:

— Հէյ զոնաղ-ախպէր, դարձաւ ծերունի Թիւնին ճամբորդին, դեռ բեխերդ նոր են ծլել, երևում է՝ անփորձ ես. ինչ մարդ կ'համարձակուի կէս գիշերին մէնակ ճանապարհորդել էս անհաւաստներից արիւնջուայ արած տեղերում. դու զնում ես կամաց-կամաց. ոչինչ չես էլ մտածում, բայց քարի տակից, թփի յետեից թուրքմէնի զնգակը նշան է դնում կրծքիդ. միթէ քո կեանքն էգքան էժան ես զին դնում, զոնաղ-ախպէր: Եւ Թիւնին հաւաքեց ու դարձաւ Ջամալին.

— Ջամալ, կրակ արա՛:

Ջամալը գետնին մի ցից տնկեց, ձին կապեց վրայից ու ինքը տաշեղներ ու չոր խոտեր հաւաքելով՝ սկսեց կրակ անել:

— Գիտես, զոնաղ-ախպէր, — բայց յանկարծ Թիւնին կարեց իր խօսքն ու հարցրեց ճանապարհորդին — անունդ ինչ է:

— Ստեփաննոս Շահումեան, պատասխանեց ճանապարհորդը:

— Շահումենց հա՛, իշխանական ցեղից ես, դեռ չես ընկել մեր չօլերը-քօլերը... Որդի, ինչ ասեմ, Լուսաւորչի Աջը վկայ, չորան եմ — ոչխարապահ, էսքան ծերացել եմ, բայց դեռ էնքան մորթած ոչխար չեմ տեսել, ինչքան մարդ:



Շահումեանը լուռ հետևում էր ոգևոր-  
ուած ծերունուն: Ծերունին շարունակեց:

— Էլ ինչ ասեմ, ոչխար, տաւար փախցնել,  
տներ ու գիւղեր կողոպտել, այլել... Գեռ  
շատ չի անցել, երկու ամիս կ'լինի, երկու չո-  
բան ընկերներով արածեցնում էինք մօտակայ  
գիւղի Մինաս-աղայի ոչխարները: Գիշերը  
թուրքերը վրա տուին: Ե՛հ, ինչ ասեմ, եթէ  
հինգ, վեց հոգի են, մի երկուսին գեռ մին-  
չև նրանց մօտենալը կ'գլորես, մնացածին էլ—  
լաւ գիտես— եթէ հայի ձեռքը խանչալ լինի,  
ուր կուղարկի. մենք էլ— փօռք Աստու —  
մեր գէնքը մեր մէջքից ցած չենք գցում:  
Բայց ինչ անես, եթէ վրա են տալիս քսանը,  
երեսունը, սնց էսքանին ջուղար տաս: Ես  
անգամ վրա տուին քառասուն թուրք: Ե՛հ,  
ինչ ասել կուզէ, որ մեր շնորքը ցոյց տուինք,  
բայց խանչալի ուսիս վրա իջած հարուածն  
աչքերս շմեցրեց ու ես ընկայ ուշաթափ:  
Հետևեալ առաւօտ արեգակն ընկել էր աչքե-  
րիս. մի քիչ ուշքի եկայ, նայեցի չորս բո-  
լորքս — ինչ ոչխար, ինչ բան. նրանց տեղ  
դաշտի վրա մի քանի արիւնաթաթախ մարդ-  
կանց գիակներ էին ընկած: Ես ամեն բան  
յիշեցի: Աւսիս վերքը վտանգաւոր չէր, միայն  
շատ թուլ էի. վերկայայ կամաց-կամաց տե-  
ղեցս. եօթը թուրք էր գլորուած, սրտնցից չոր-

սին հրացաններով էինք սպանել, իսկ երեքին  
խանչալներով. ընկերներս էլ ընկած՝ մէկի  
գլուխն էր կէս արած, միւսինը բոլորովին  
մարմնից բաժանուած: Կանգնեցի, նայեցի,  
նայեցի... ու քալլերս ուղղեցի դէպի գիւղը...  
Գու լնց ես լինում, զոնադ-ախպէր, յանկարծ  
դարձաւ նա ճանապարհորդին.

— Շարունակիր, չորան, ասաց Շահումեանն  
ու փափախը աչքերին քաշեց, որ արտասու-  
քը չ'երևայ:

— Գնում եմ գիւղը, որ յայտնեմ Մինաս-  
աղային մեր փորձանքը, բայց, ինչ գիւղ, ինչ  
բան — կէսը քանդուած, կէսն էրուած. մի  
շունչ չ'կար ամբողջ գիւղում — կէսը կոտո-  
րուած էգ անհաւատ թուրքերից, կէսը փա-  
խել էր սարերը... Ա՛խ, զոնադ-ախպէր, ո՞ւր  
է մի տէր, ասաց նա խորը հառաչելով: Ապա  
նա հանեց սրինգն ու սկսեց տխուր եղանա-  
կով «չորան-խաղն» անել:

Աւսինն երբեմն զուրս էր գալիս ամպե-  
րից, երբեմն թագնւում էր նրանց լեռն: Ջա-  
մալը դրեց պղինձը կրակի վրա, իսկ Գիւքին  
երբեմն գառան մսի կտորտանքն էր ածում  
պղինձը, երբեմն մի ինչոր բանի համար ու-  
շադրութիւնով շներին էր նայում:

Շներն անհանգիստ էին. նրանք վեր էին  
կենում տեղից, կրկին նստում, մի ինչոր բան



Հոտոտում, երկու քայլ առաջ անում, ապա կրկին պոչը քաշած՝ իրանց տեղը դառնում:

— Ա՛: Թիւնի՛, շներին մի մտիկ տո՛ւր, դարձաւ նա դէպի ծեր հովիւը:

Թիւնին ընդհատեց սրինգն ու աչքերը դէպի շները դարձրեց. նա խկոյն որոշեց.

— Երևի հարամու հոտ են առել. դէ Գիւլ-քի, Ուշթէփէ ել. զգուշ կնց, նշան արն:

Գիւլքին բլրի լանջով սկսեց վեր բարձրանալ, նա շուտով անչալտացաւ թփերի մէջ:

Հովիւներն աչքերն Ուշթէփէ էին դարձրել, որովհետև շներն այն կողմ էին նայում. Եասումեանը նոյնպէս վերկացաւ տեղից, հրացանը ձեռքն առնելով. ապա նա ուղղեց կողքից քարը արած դարաբինան, որը մի քիչ ծռուել էր ու նա էլ այն կողմ սկսեց նայել:

Շուտով հեռու թփերի միջից լսուեց ուրախ խօսակցութիւն:

— Հն. սա մեր բարեկամ Ազրայիլն է եղել, ասաց Թիւնին. դու չես ճանաչում նրան, զո՛նադ-ախպէր:

— Չեմ ճանաչում, բայց լսել եմ նրա մասին, պատասխանեց Եասումեանը:

Թիւնին ու Զամալն էլ վեր թռան տեղերից ու մօտեցան մի հսկայ ձիաւորի, որը, ինչպէս ենթադրում էր Եասումեանը, «Ազրայիլն» էր լինելու: Հովիւները նրան էլ խնդրում

էին գիշերն իրանց մօտ անցկացնել. նա ինչպէս երևում էր, համաձայնեց, իջաւ ձիուց ու շուտով բոլորը մօտեցան կրակին:

Եասումեանն առաջին անգամ աչքերն Ազրայիլի վրա դարձրեց ու կրակի լուսով տեսաւ իր առաջ մի ահարկու դէմք. նրա ահագին հաստութիւնով ածուխի պէս սև բեխերի ծայրերն անհետացել էին խճճուած երկար մօրուքի օղակներում, սև մօրուքը ծածկել էր մինչև անգամ այտերը, հասել մինչև աչքի կողերն ու քիթը. երկար ու խիտ յօնքերը ծածկել էին աչքերի կէսը. գլխին դրած ունէր ահագին սև փափախ. վիզը կարճ էր ու հաստ, ուսերը՝ բարձր ու լայն: Նա խկոյն գցեց եափնջին:

— Բարի՛ աջողում, ասաց նա Եասումեանին:

Եասումեանն ապշած՝ մոռացաւ մինչև անգամ պատասխանելու. նա զարմացած նայում էր այդ իսկական Ազրայիլին, որի մասին շատ էր լսել. բայց չէր տեսել: Այս անսովոր մարդը լայտնի Մխիթար օւլազակապետն էր, որ լեռու դարձաւ Գաւիթ-բէգի զօրքերի սպարապետ:

— Հը, մատաղ, երբ ես եկել, դարձաւ նա կրկին Եասումեանին: Ինչպէս երևում էր, նա էլ ճանաչում էր նրան:

— Այս գիշեր, պատասխանեց Եասումեանը:



— Ես Չափնդուր էի. շարունակեց աւազակապետը, Թորոսն ինձ ասեց, որ դու ուզում ես գնալ Հալիձոր Տէր-Աւետիքի մօտ ու ինձ շատ ցանկանում ես տեսնել:

— Ուրեմն Թորոսը քեզ ամեն բան պատմեց:

— Պատմեց, պատասխանեց աւազակապետը, բայց գիտես, մատաղ, դրանից բան չի դուրս գալ. իրաւ է, դու ինձանից աւելի խելօք ես, բայց, մինչև մեր Ղարաբաղի մէլիքներին, քեթխուղաներին կ'միացնես, մի երկու տարի կանցնի. էգքան ժամանակում արդէն մի քանի հազար հայ կ'կոտորեն թուրքերը, բայց — էն էլ ո՞վ գիտէ — էգքան ժամանակից չեսոյ կ'միանան ամենքը թէ ոչ: Էս անպիտան տեղն արիւնով է հոտում, մարդու գլուխը սոխի գին է բռնել, միթէ դեռ կարելի է սպասել: Արի Ստեփաննոս, էգուց և եթ Վրաստան անցիր. ես ինքս քեզ հետ կ'գամ:

— Ես արդէն վճռել եմ, որ էլ ժամանակ կորցնելու չէ. էգուց և եթ ճանապարհ եմ ընկնելու, բայց դու չես գալ. ինձ հետ, դու այստեղ շատ հարկաւոր կ'գաս թուրքերի աւազակութիւններից մի քանիսը զսպելով. բայց՝ ինչ ես կարծում, Մխիթար, լաւ եմ անում, որ Վրաստանից եմ մեզ առաջնորդ բերում:

— Ի՞նչ ասեմ, մատաղ, ես կարծում եմ, լաւ ես անում. մեր մեծամեծները կարծես

լայեղ չեն անում իրանցից մէկին իրանց գլուխ ճանաչել. ասած է՝ «տանուտէրտէրին օրհնես տէր չ'կայ». նրանցից ամէն մէկը իրան է մեծ ճանաչում, իրան համար ապրում: Հէնց էս է պատճառը, որ մեր ուժը բաժան-բաժան լինելով, թուրքը մեզ հեշտութիւնով տիրեց: Օտար տեղից եկած մարդու վրա աւելի ակնածութիւնով են նայում, նրա վրա մի քիչ ուրիշ տեսակ են դատում և եթէ նա արժանաւոր է ու մանաւանդ՝ իրանց օգտի համար է գործում, ես կարծում եմ, նրա հետ աւելի շուտով կ'միանան... բայց մի բան էլ կայ, Ստեփաննոս, մեծ համարձակութիւն է օտար տեղից մարդ բերելը, էգ մարդուն դեռ առաջ շատ լաւ պէտք է ճանաչել:

— Ուղիղ է, Մխիթար, և ես չ'ճանաչած մարդուն երբէք չեմ բերի:

Հեռուում լսուեցաւ ձիաների ոտի արփիւն. մօտեցան կրկին տասնումէկ ձիաւորներ: Սրանք Մխիթարի ընկերներն էին:

— Հն, էգ դ՞ուք էք, տղերք, ասաց Մխիթարը. դէհ, պատմեցէք, ինչպէս էք, բոլորդ էլ սնդ էք, ինչպէս որս արիք...

— Փառք Աստծու, բոլորս էլ սաղ ենք ու լաւ էլ որս ենք արել: Էսօր խիտ շատ ենք աշխատել, էս անհաւատ թուրքերը շների պէս շատացել են:



— Իէհ, հանգստացէք, հանգստացէք, է-  
գուց էլի կերթանք որս անելու...

Զիւսուորներն իջան ձիերից ու պառկեցան  
կրակի մօտ:

Լուսինը հասել էր երկնքի մէջ տեղը,  
սար ու ձոր լուսաւորում: Գառները ննջում  
էին անգորրը, շները մորթած գառան փորո-  
տիքը լափում, իսկ մեր Ղարաբաղցի հերոս-  
ները եափնջիների վրա նստած, հրացանները  
կողքերին, հովական ընթրիքն էին անուշ  
անում: Պղինձը քլթ. քլթ. լափ կրակից ցած էր  
բերած. տաք-տաք մսերը ձեռքերով հանում  
էին նրա միջից, լաւաշի մէջ փաթաթում ու  
ուտում: Ընթրիքի ժամանակ խօսակցութիւնն  
առօրեայ ձև ստացաւ ու ամենից շատ խօ-  
սում էր Թիւնին, հիւրերին ու տելու ոգևորում:

Ընթրիքից յետոյ ամէնքը պառկեցան քնելու:

Գիշերուայ սառը հովը վերկացաւ, ամպերը  
խաղաղեց, խոտերը սւսըւացրեց. լուսինն եր-  
բեմն երևում էր, ժպտում, երբեմն թազն-  
ւում էր ամպերում, կարծես հովի հետ հա-  
նաքներ էր անում. քնած էր ամեն բան,  
քնած էին սար, ձոր, քար, գազան, թռչուն...  
քնած էին և մեր Ղարաբաղցիք եափնջիների  
մէջ փաթաթում, հրացանները գրկած, գը-  
լուխը չոր քարի վրա դրած...

Ձէ քնած միայն ծերունի Թիւնին. նա իր

ալևոր գլուխը կռան վրա յենած՝ նստած է  
ու մտածում, խորը մտածում. մտաբերում է  
նա Ղարաբաղի նախկին, երջանիկ օրերը, մը-  
տաբերում է նրա փառքը... «Ղարաբաղ, ջան-  
Ղարաբաղ, շշնջում են նրա շրթունքները,  
ո՛ւր են քո արծիւ որդիքը, ի՞նչ եղար դու.  
հոտած թուրքը ոտնակոխ է անում քո հողը,  
խմում է քո որդկերանց արիւնը, իսկ դու  
լնու ես...»

Ու նստած է ծերուկը, խորը մտածում,  
ծանր հառաչում, և արցունքները թափւում  
են նրա խորշոմած ալտերի վրայից...

Բ.

Ամենքը ոտի վրա էին, երբ արևելքում  
ամպերն ու երկինքը սկիէ գունով ներկուել  
էին, իսկ արևմտքում Արուսեակը շտապում  
էր սարերի լեռն: Թփի մէջ անուշ ձայնով  
երգում էր բլբուլը. խոտերը ծածկուել էին  
մարգարտի ցօղով: Առաւօտեան ցուրտը զգալի  
էր ամենքին. մեր Ղարաբաղցիք փափախները  
մինչև ականջներն էին իջեցրել, եափնջիներ-  
ում կոլոլուել. գառները բուրդը ուռցրած՝  
կոծում էին ցօղաթաթախ խոտը, իսկ շներն  
երբեմն թափ էին գալիս, երբեմն թաթով  
քիթն ու երեսը քորում:



Պանրից, կաթնից նախաճաշը ստքի վրա  
վերջացնելուց յետոյ՝ աւազակներին խումբը ի-  
րան հետ առած Շահումեանին՝ բաժանուե-  
ցաւ հովիւներէց:

— Ա՛ Մխիթար, մեզ չ'մոռանաս, կանչեց  
Թիւնին աւազակապետի յետեւից:

— Չորան, մի վախիր, էլ այսուհետև Ուշ-  
թէփէյի վրա ոչ մի հայ չի մեռնելու:

Փոքր ինչ ճանապարհորդելուց յետոյ՝ Մխի-  
թարի հրամանով աւազակներն երկու մասի  
բաժանուեցան. մի մասը Շէյթան—Թուրնջի  
առաջնորդութիւնով յետ դարձաւ հայ գիւղե-  
րի վրայ հսկելու, իսկ միւս մասը Մխիթարի  
առաջնորդութիւնով պիտի Շահումեանին ճա-  
նապարհ ձգէր մինչև Ղարաբաղի սահմանները:

— Տղերք, գոռաց աւազակապետը իր բա-  
ժանուող ընկերներին, Ուշթէփէյից շատ չ'հե-  
ռանաք, ինձ միք սպասի, ես ինքս ձեզ կ'գրա-  
նեմ: Ու երկու խմբերը բաժանուեցան իրարից:

Շահումեանն Ազրայիլի հետ գնում էր ա-  
ռաջ, միւս հինգ աւազակները փոքր ինչ հե-  
ռուից հետևում էին նրանց:

— Բայց տես, մատաղ, զգոյշ կացիր, դար-  
ձաւ աւազակապետը Շահումեանին: Առաջին՝  
այն մարդը, որին մեզ առաջնորդ պիտի բե-  
րես, պիտի հայ լինի, երկրորդ՝ ոչ միայն ա-  
նունով հայ, այլ և հոգով ու երրորդ՝ պիտի

խելօք ու քաջ լինի, — իշխիր, որ դու մեծ գոր-  
ծի սկիզբ ես դնու՛մ:

— Անհոգ կ'աց, Մխիթար:

— Ախր, դիտեմ, որ խելօք ես է, յարեց  
Մխիթարը:

— Բայց լաւ կանես, Մխիթար, ինձ ճա-  
նապարհ գցելուց յետոյ գնաս Հալիձոր ու տես-  
նուես Տէր-Աւետիքի հետ:

— Օ՛ այդ քէշիշից անհոգ կաց, գոռաց հիացած  
աւազակապետը, բաւական է, որ ձեր գալը լսի՝  
թուրքերի ըստը գիւղերը տակնուվրա կանի:

— Բայց, էլի տեսնես, լաւ կանես:

— Աչքիս վրա, պատասխանեց Մխիթարը:

— Մի բան էլ կայ, Մխիթար: Ի՛ հարկէ,  
եթէ ես գնամ վրացիների թագաւորի մօտ,  
ասեմ, թէ մեզ մի քաջ զօրավար տուր, որ  
նրա առաջնորդութիւնով թուրքերին զուրս  
քշենք Ղարաբաղից, նա կասի՝ «դու ո՞վ ես»  
ու գուցէ իմ խօսքերին էլ չ'հաւատայ, ես ստի-  
պուած պիտի լինեմ նրան ասելու, թէ ինձ  
Ղարաբաղի հայ իշխաններն են ուղարկել, բայց  
նա կարող է ինձնից հաստատութիւն պահան-  
ջել, ահա՛ այս պատճառով հարկաւոր է մի  
խնդրաթուղթ պատրաստել մեր իշխանների  
անունով ու կնքել նրանց կնիքներով: Այդ դի-  
պուածում ինչ պէտք է անեմ:

— Եդ արդէն չ'գիտեմ, պատասխանեց





տիսուր ձայնով աւագակապետը:

— Մի հնար կայ, Մխիթար, պէտք է կեղծ կնիքիեր շինել տալ:

— Օ՛, գրանից անհոգ կաց. Ուստա-Պալի, դարձաւ նա իր ընկերներից մէկին, քո փէշակդ էսօր մեզ պէտք է գալու:

Ուստա-Պալին մեծ բաւականութիւնով գլուխ տուեց:

— Շուտով մենք կ'հասնենք, դարձաւ Մխիթարը կրկին Շահումեանին, Ուստա-Պալենց գիւղը, էնտեղ կ'ճաշենք, գիշերը անց կ'կացնենք. մինչև միւս առաւօտ, ես կարծում եմ, կնիքները պատրաստ կ'լինին:

— Մխիթար, ամէն բան լաւ է գնում, Աստուած մեզ յաջողում է:

Կէսօրին նրանք հասան Ուստա-Պալենց գիւղը. գիւղի ժողովուրդը զարմանքով նայում էր Ազրայիլին ու նրա ընկերներին: Աստա-Պալին նրանց իրան տուներ տարաւ: Ճաշից յետոյ Շահումեանը Ղարաբաղի լիտուն հայ մեծամեծների անունով վրացիների Վախտանգ Զ. թագաւորին ուղղուած մի խնդրագիր շինեց, որով հայ մեծամեծները, իբր թէ, խնդրում էին Վախտանգին իրանց մի գօրավար ուղարկել թուրքերին Ղարաբաղից դուրս բշելու համար: Խնդրագրում լիշուած էր նոյնպէս, որ վրացիների շահերին շատ լարմար է Ղարաբաղի նման մի

հայ դաշնակից տէրութիւն ունենալ և այլն և այլն: Խնդրագրից յետոյ Շահումեանը զբաղուեց կեղծ կնիքների ձևերը շինելով: Նա Ղարաբաղի իշխաններից մի քանիսի անուանի ու ազգի միայն սկզբնատառերն էր գրում, մի քանիսի անունները մականուններով, մի քանիսի էլ ազգ ու անունը ամբողջապէս գրելով: Ապա ամէնքն Ուստա-Պալու առաջնորդութիւնով զբաղուեցան կնիքները փորագրելով: Կնիքները պատրաստելուց յետոյ, Շահումեանը զմուռով խփեց խնդրագրի վերջը:

## Գ.

Հետևեալ առաւօտ հիւրերը մնաս բարով ասացին Ուստա-Պալու կնկան ու Պալուն էլ իրանց հետ առնելով դուրս եկան գիւղից:

Նրանք ճանապարհը գէպի հիւսիս-արևմուտք ուղղեցին: Ղարաբաղի բնութիւնը հետզհետէ փոխոււմ էր. սև, ահարկու լեռները բլրանում էին, նեղ կրճերը ձորանում, խոր ձորերը հովտանում. լեռնական աղքատ բուսականութիւնը տեղի էր տալիս հազարերանգ ծաղիկներով զուգուած շքեղ կանաչին. օդը մեղմանում էր ու քնքշանում:

Ճամբորդները լուռ՝ արշաւում էին. իւրա-



քանչիւրը նրանցից խորասուզուած էր մտած-  
մունքներում և՛ չիրաւի շատ բան կար մտա-  
ծելու. այդ աղմկալի օրերում այնքան դէպ-  
քեր, այնքան նորութիւններ էին պատահում,  
որ նոր-նոր տպաւորութիւնները յաջորդում  
էին միմեանց և իւրաքանչիւրի խելքն ու  
միտքը գրաւում:

Շահումեանը թեքուեցաւ թամբի գլխին՝  
թուլացնելով սանձը. նրա մտածութիւնով լի  
աչքերը դէս ու դէն էին նայում. կարծես մո-  
ռացել էր, թէ ուր է նա և ինչ է անում:  
Նրա միտքը թռչում էր հեռու, հեռու...

Նա լիշում էր իր մանկական խաղերը հա-  
սակալիցների հետ. նրա ընկերներն ուրախ,  
գուարթ խաղում էին, իսկ նա հեռու նստած՝  
աշխատում էր մտաբերել իր ուսուցիչ-քահա-  
նայի այն օրուայ պատմածը. նրա դեռ ման-  
կական չ'հաս գլխում նկարում էին իր հայ-  
րենիքի մեծ անձնաւորութիւնները՝ Վարդա-  
նը, Վահանը... և թւում էր նրան, թէ ահա  
հեռուից կ'գալ իսկոյն այդ հզօր Վարդանն  
ու կ'կանչէ որոտալիճայնով. «եղբայրներ, հերիք  
է մեզ տառապել, հերիք է մեզ օտար լծի տակ  
մնալ, գնանք, վրէժ առնենք մեր թշնամիներ  
ից մեր ազգի ու եղբայրների փրկութեան հա-  
մար...» Բայց ահա անցան մանկութեան օրերը

նա արդէն երիտասարդ է և իր ժամանակի  
համար լաւ կրթութիւն է ստացել. նա  
տեսնում է այն ախտը, որ բռնել է  
իր հայրենիքը: Թուրքերը հետզհետէ լըց-  
նում են իր Ղարաբաղն ու պիղծ ձեռքերը  
տարածում հայկական սուրբ եկեղեցու վրա...  
Իշխանները չեն գործում, ամենքը մտածում  
են հնարներ միմեանց վայր ձգելու համար...  
Ու տեսնում է նա այս բոլորը, զգում է,  
բայց չի համարձակում բան ասել, — զիտէ,  
որ եթէ մի բան ասի, իսկոյն նրան կ'լռեցնեն,  
ասելով՝ «զու ջահիլ ես, բան չես հասկանում».  
լիշում է և այն անհանգիստ, անբուռ գիշերը,  
երբ նրա գլխում ծագեց մի մեծ միտք — կան-  
չել դրսից մի հզօր մարդ, որ կարողանայ իր շուր-  
ջը հաւաքել ազատութեան զաւակներին...

Մխիթարի ձայնն ընդհատեց նրա մտած-  
մունքները.

— Ղարաբաղի սահմանը, Ստեփաննոս:

Նրանք կանգնած էին մի բլրի գլխին, որի  
ջակ ձգում էր ընդարձակ, կանաչ դաշտավայրը:

— Ստեփաննոս, ես էլ քեզ հետ եմ գալու,  
քեզ մէնակ չեմ թողնի:

— Ձէ, Մխիթար, հարկաւոր չէ. ես մանե-  
լու եմ Վրաստան մէնակ, ծպտուած, որ ոչ  
ոք չ'ճանաչի և ես առիթ ունենամ այնտեղի  
հայ զօրավարներին աւելի մօտիկ ճանաչել:



—Գ՛ն՛ գիտես, Ստեփաննոս, բայց լաւ չես  
անում:

—Գ՛ու, Մխիթար, այստեղ աւելի պէտք  
կ'գաս:

—Գ՛է, գնան բարով, մատաղ:

—Մնան բարով, Մխիթար: Նրանք համ-  
բուրուեցան.

—Մնա՛ք բարով, ասաց նա և միւսներին  
ու համբուրուեցաւ բոլորի հետ:

Եւ ձիւն գլուխն ուղղեց դէպի գաշտավայրը:

—Ստեփաննոս, եթէ նեղ տեղն ընկնես,  
անունս տուր...

Շահումեանը ժպտաց:

—Մի ծիծաղիր, Ստեփաննոս, ազրայիլը  
թեւեր էլ ունի...

Շահումեանի նժույզն արդէն իջաւ գաշտա-  
վայրը. ոտքերի տակ զգալով փափուկ հար-  
թութիւն՝ նա խրխնջաց, նրա ջղերը լարուե-  
ցան, ոտքերն սկսան թեթեւ շարժուել, գլու-  
խն առաջ քաշեց ու յանկարծ արշաւեց:

Երիտասարդը կարծես կպած էր մէջքին:

Վարաբաղի նժույզը արշաւում էր սարսա-  
փելի արագութիւնով. նրան ո՛չ մի ձիաւոր  
այս ժամին չէր կարող զսպել, բայց երիտա-  
սարդը չէր էլ մտածում զսպել: Վերջապէս  
նրանք անյայտացան մշուշի մէջ...

Ազրայիլը կատարեց իր խօսքը:

—Տղերք, ասաց նա Շահումեանի անյայ-  
տանալուց յետոյ, ինձ հետեցեցէք, ու իր ըն-  
կերներով սլացաւ նրա յետեից:

Նա հետևում էր Շահումեանին գիշեր-  
ցերեկ առանց նրան աչքից կորցնելու ու ա-  
ռանց նրանից նկատուելու և իրաւ, եթէ Շա-  
հումեանը նեղ տեղն ընկնէր ու տար Ազրա-  
յիլի անունը, նրան կ'տեսնէր իսկույն իր մոտ  
նրա կատաղի ընկերներով... Մխիթարը ճա-  
նապարհ ձգեց Շահումեանին մինչև Սցխէթ  
առանց նրանից տեսնուելու և ապա կրկին  
աննկատ՝ յետ դարձաւ իր հայրենիքը— Վա-  
րաբաղ:

Գ.

Երկու շաբաթ էր, ինչ Շահումեանը Մըց-  
խէթումն էր. նա իջել էր մի հալ պառաւի  
մօտ: Ծանօթանալով թէ բարձր, թէ հասա-  
րակ շրջանների հետ, նա անդադար ուսում-  
նասիրում էր Վրաստանի զինւորական դրու-  
թիւնը ու մանաւանդ այնտեղի հալ անձնա-  
ւորութիւններին: Նրան պատմում էին, որ  
թէև Վախտանգ թագաւորը չի կարող պար-  
ծենալ իր քաջութիւնով, բայց նրա ուսում-



նասէր ու խելօք լինելը յայտնի էր ամենին: Նրան պատմում էին, որ Վրաստանը թէև քիչ զօրքեր ունի, բայց նրանցից սարսափում են թուրքերը. քաջ զօրավարների թուում կային և մի քանի հայեր, մանաւանդ մէկը՝ խելօք ու անյաղթելի Գաւիթ-բէզը, որ ծընուած էր Ղարաբաղում ու սնուած Վրաստանում: Նա, ինչպէս երևում էր, շատ ժողովրդականութիւն էր ստացել, մանաւանդ նրա համար, որ, չնայելով իր բարձր պաշտօնին, մնում էր քրիստոնեայ, աչն ինչ վրացի իշխաններից շատերը ու մինչև անգամ թագաւորն իրանց հայրենի ժառանգութեան վրա հաստատ մնալու համար՝ փոխում էին իրանց կրօնն ու մահմեդականութիւն ընդունում:

Պատմում էին, որ Գաւիթ-բէզը փոքրուց իր ընտանիքի ու շատ ուրիշների հետ մի ինչ որ մէլիքի առաջնորդութիւնով գաղթել է Վրաստան: Վրացիների թագաւորը նրա ընդունակութիւններն ու քաջութիւնները տեսնելով՝ իրան մօտեցրեց, շինեց իր զօրքերի զօրավար ու մինչև անգամ բէգութիւն տուեց: Այդ ժամանակ մէլիքն իր ժողովրդի ու Գաւիթ-բէզի ծնողների հետ կրկին Ղարաբաղ դարձաւ, իսկ նրան թագաւորն իր մօտ պահեց: Քիչ ժամանակից յետոյ Գաւիթ-բէզը լսեց, որ թուրքերը մորթել են նրա ծնող-

ներին ու երգուեց, որ չ'պիտի մեռնի, մինչև թուրքերից տասնապատիկ վրէժը չ'հանի...

Մահումեանի ընտրութիւնը կանգնեց Գաւիթ-բէզի վրա, բայց ուզեց դեռ ծանօթանալ նրա հետ ու տեսնել, թէ ինչ չափով նա սիրում է Ղարաբաղը:

## Ե.

Գաւիթ-բէզն այդ ժամանակ զնացել էր Սօփանաուրի անտառները որսի: Մահումեանը վճռեց չ'սպասել նրա դարձին, այլ գնալ ու այդ բնութեան ծոցում ծանօթանալ նրա հետ ու խօսել առանձնակի: Նա հագաւ Ղարաբաղի հագուստը, զէնքերը վրան առաւ, հեծաւ իր կատաղի ձին ու քշեց դէպի Սօփանաուր: Բայց նա երկար չ'գնաց—մի քանի ժամ ճանապարհորդելուց յետոյ նա տեսաւ Գաւիթ-բէզին:

Գաւիթ-բէզը որսից յետ էր դառնում. նրան հետևում էր երկու սալ, գոմէշներով լծուած, որոնց քշում էին վրացի սալապաններ «հարալօ» կանչելով: Սալերի վրա դրուած էր նրա որսը՝ երկու եղջերու, լովագ ու վայրի թռչուններ:

Գաւիթ-բէզը գնում էր նրանցից մի վաթսուէն քալ առաջ դանդաղ կերպով, աշխատե-



լով ձին սանձել: Նա մի քառասնից անցած տղամարդ էր, բարձրահասակ ու հաստակազմ. նրա երկար բեխերի ծայրերը կեռացած՝ ներքև էին իջել, մօրուքն ածելած էր, վրացնակ գլխարկի տակից երևում էին նրա փոքր ինչ ալեխառն մազերը, թաւ յօնքերի տակից ածուխի նման սև, թափանցող ու խելօք աչքերը. նրա ճակատի վրա արգէն երևում էին խորշումներ, որոնք դէմքին աւելի դաժան կերպարանք էին տալիս: Նա գնում էր լուս՝ մէկ ձեռքով սանձը բռնած, իսկ միւս ձեռքը երկսայրու երախակալին լեռնած:

Նա սովորաբար տխուր էր ու շատ քիչ էր խօսում, որով շատ զանազանում էր վրացիներից. նա աւելի շատ մտածում էր, մտածում էր և այժմ: Արդեօք ինչի՞ վրա:

Նրա լեռեկից վրացի սայլապանը փրչում էր իր «հօրօլօն». նրան դուր չէին գալիս այդ քունը բերող «հօրօլօն, այդ դանդաղաշարժ գոմէշները. նրա ականջին հնչում էին իր հայրենիքի լեռնական, կրակոտ երգերը, նա տեսաւ իր առաջ անդունդներ թռչող Ղարաբաղի նժույզները. նա, կարծես նույն ցնորքների շարունակութեան մէջ, տեսաւ մի ձիաւոր. հաստ փափախը, զինավառութիւնը, կրակոտ նժույզը նկարեցին նրա առաջ ազատատէր Ղարաբաղցուն. նրան աւելի վառ գոյներով ներկայացաւ

իր հայրենիքը, նրա ներկան, թուրքերի բռնութիւնները... լանկարձ նա չիշեց իր մօրթոտած ծնողներին ու նրա ատամները կատաղի կերպով կրճտացին. նրա կրճքից դուրս թռաւ զագանի մի մանչիւն, աչքերը փայլատակեցին բարկութեան կրակով ու նա կատաղի կերպով հուպ տուեց ձեռքին բռնած երախակալը:

Այդ ժամանակ նրա աչքին ընկաւ նույն ձիաւորը. նա տեսաւ, որ այդ ձիաւորը ցնորք չէ, նկատեց, որ նա վաղուց հեռուում էր իրան, և զանգու տուեց ձիուն Պաւիթ-բէգը, արշաւեց ձիաւորի վրա ու կանչեց սպառնալի ձայնով:

— Ո՞վ ես դու:

— Բարեկամ:

Պաւիթ-բէգի ձեռքերը թուլացան. ձիաւորի արտասանած մի բառում կարծես հնչեց նրա ստրկացած հայրենիքի ձայնը, որը կարծես օգնութիւն էր կանչում. «բարեկամ»:

Նա մեղմ ձայնով հարցրեց ձիաւորին.

— Ո՞րտեղացի ես, եղբայր:

— Ղարաբաղցի պատասխանեց ձիաւորը:

Բայց նա էլ չ'սպասեց նրա պատասխանին. նա վաղուց դէմքից, հագուստից ու վերջապէս արտասանած մի բառից ճանաչեց նրա Ղարաբաղցի լինելը. նա փաթաթութեամբ ձիաւորին և երկնք, երկնք համբուրւում էին նրանք:



— Աւրի՛շ, անցէ մեր Ղարաբաղը, հարցրեց  
Գաւիթ-բէգը հրճուանքով:

— Գիթէ՛ չ'գիտես...

— Օ, գիտեմ, գիտեմ, էլ մի ասիր...

Գիւղացիները, որ շշկլուած սրանց օտարոտի  
հանգիպումից՝ սառած մնացել էին տեղերը,  
շարունակեցին կրկին ճանապարհը: Մցիւթն  
արդէն երևում էր: Գաւիթ-բէգն իր ընկերի  
հետ մօտեցաւ Արագուա գետին. փոքր ինչ  
լուսթիւնից լետոյ՝ նա հարցրեց իր ուղեկցին.

— Ինչո՞ւ ես եկել:

— Ես եկել եմ քեզ տանելու:

— Ինձ տանելու. ինչո՞ւ ես ուզում ինձ  
տանել:

— Թուրքերին Ղարաբաղից դուրս քշելու  
համար:

— Թուրքերի՛ն... ու նրա դէմքը խոժոռե-  
ցաւ, աչքերը փայլեցին վազրի աչքերի նման.  
Նա բարկացած հարցրեց:

— Ասա՛, ո՞վ ես դու:

— Ես Ստեփաննոս Շահումեանն եմ:

— Ինչո՞ւ ես ինձ տանում:

— Որ մեզ առաջնորդես: Հերիք է, դու  
բաւական ծառայեցիր վրացիներին: Ուղիղ են  
ասում, որ հայերն օտարների համար լաւ ծա-  
ռաներ են, իսկ իրանց համար վատ տէրեր:  
Գու՛ լաւ ծառայ էիր. արի՛ այժմ ու կարգի բեր

քո հայրենիքի գործերը: Եթէ դու ազնիւ  
մարդ ես, եթէ դու վախկոտ չես ու եղբայր-  
ներիդ արիւնը կանչում է քեզ, դու պիտի այս-  
տեղ ձգես բոլորը— փառքը, պատիւն ու պիտի  
զոհես քո անձը հայրենիքի փրկուելուն, եթէ  
ոչ՝ դու արժանի չես այսուհետեւ Ղարաբաղի  
անուան:

Գրէթէ դեռ պատանի Շահումեանն ա-  
սում էր այս բոլորը դողդոջուն ու վրդովուած  
ձայնով, բայց նրա աչքերը, փայլուն աչքերը  
ուղղակի նայում էին այն ահարկու մարդուն,  
որի լոկ անունը սարսափ էր բերում շատերին:

Գաւիթ-բէգը լսում էր լուռ. առաջ նա  
դէմքը խոժոռեց, լսելով Շահումեանի կծու  
խօսքերը, բայց լետոյ նրա կնճիւնները բացուե-  
ցան ու նա մեղմ ձայնով հարցրեց երիտասար-  
դին.

— Ուրեմն ուզում էք սպստամբել:

— Այո՛, ուզում ենք սպստամբել:

Գաւիթ-բէգն էլ ոչինչ չ'հարցրեց ու խորա-  
սուզուեց մտածմունքի մէջ. նրանք շարունա-  
կում էին իրանց ճանապարհը լուռ: Վերջա-  
պէս Գաւիթ-բէգը գլուխը բարձրացրեց, նրա  
աչքերը փայլում էին ոգևորութիւնով:

— Լաւ, ես պատրաստ եմ կեանքիս մնա-  
ցորդը զոհել հայրենիքիս համար. դու ուղիղ



ասացիր՝ թէ հայերը լաւ ծառայ են օտարի ու վատ տէր իրանց համար: Ես գալիս եմ:

Արագուստ գետը հոսում էր հանդարտ, նրա լայն ու յստակ ալիքները փայլում էին հայելու նման: Արևը մօտենում էր լեռներին:

— Մէլիքներն ինչ են անում, հարցրեց Գաւիթ-բէգը:

— Նրանցից մի քանիսին տեսել եմ, պատասխանեց Շահումեանը. նրանք համաձայն են մեզ հետ միանալու. միւսներին դեռ չեմ տեսել:

— Եւ հարկաւոր էլ չէ: Ինչ ժողովուրդ է հարկաւոր. ժողովրդի մարդիկ պիտի առաջնորդեն ժողովրդին. ես ճանաչում եմ Ղարաբաղի ազատասէր ժողովուրդը:

— Բայց ինչ ես կարծում, Գաւիթ-բէգ, թագաւորը՝ քեզ կ'իթողնի:

— Ես նրան չեմ էլ հարցնի:

— Բայց ինչ կուզէ լինի, նրա համաձայնութիւնով աւելի լաւ կ'լինի. ես դրա համար հոգացել եմ:

— Ինչ ես արել, հարցրեց ժպտալով Գաւիթ-բէգը:

— Ես մի խնդիր եմ շինել Ղարաբաղի հայ մեծամեծների անունով ու կնքել եմ նրանց կեղծ կնիքներով:

— Եւ այդ բոլորը արել ես սուրբ գործի համար. դէհ, կեցցես քաջ Ղարաբաղցի, կանչեց Գաւիթ-բէգը ձեռքը խփելով նրա մէջքին. ապա նա փաթաթուեց ու հայրական գորովով համբուրեց Շահումեանի բաց ճակատը:

Շահումեանն ամօթխածութիւնով գլուխը կախ ձգեց:

— Շահումեան, ասաց Գաւիթ-բէգը խորիմաստ ձայնով, Ղարաբաղը ազատ է լինելու:

Արևը մօտեցել էր սարերին. վերջալուսով փայլում էր ջինջ ու անամպ երկինքը, փայլում էին անտառախիտ լեռները, փայլում էր յստակ Արագուստն, փայլում էին և մեր հերոսների դէմքերն արևի վերջին լուսով, հայրենիքի փրկուելու լուսով...

9

Մերունի Վախտանգ 2. յայտնի օրէնսդիր ու պատմաբան թագաւորը չէր բազմած իր պարսկական ճաշակով զարդարուած գահի վրա, այլ զանազան խոնուած թղթերի ու մագաղաթների փոշուած գրում էր իր տարէգրութիւնները, երբ մտաւ Գաւիթ բէգն ու սղջունեց թագաւորին:



— Օհօ, բէգ, բարձր, որսից նօր ես դար-  
ձել. ասա մի տեսնեմ, ինչ ես ինձ բերել:

— Երկու եղջերու քեզ փէշքէշ, եթէ խըն-  
դիրս կ'կատարես:

— Ասա, բէգ, ինչ ես ուզում:

— Թոյլ տուր ինձ գնամ Ղարաբաղ:

— Ղարաբաղ, բացականչեց ապշած թա-  
գաւորը, հապա Վրաստանը:

— Թագաւոր, այժմ աւելի պէտք եմ իմ  
հայրենիքին, Վրաստանն ապահով է քեզանով:

— Բէգ, ո՞վ քեզ խելքից հանեց...

— Թագաւոր, Ղարաբաղի վրայ բռնացել  
են թուրքերը. նրանք անխնայ կերպով կոտու-  
րում են հայերին: Հայ մեծամեծները խնդրում  
են քեզանից, որ նրանց օգնես, այսինքն՝ մի  
հմուտ զօրավար տաս, որի առաջնորդութիւ-  
նով նրանք դուրս քշեն թուրքերին Ղարաբա-  
ղից: Նրանց լիազօր գեսպանն ինձ է ընտրել

— Ո՞վ է այդ գեսպանը, կանչել տուր:

Գաւիթ-բէգը դուրս գնաց ծառաներից մէ-  
կին ուղարկելու Շահումեանի յետևից, իսկ  
ինքը շուտով լետ դարձաւ:

— Բէգ, դարձաւ տխուր ձայնով Վախ-  
տանը թագաւորը Գաւիթ-բէգին, միթէ իմ  
աղն ու հացը քեզ դառն թւեցան:

— Թագաւոր, ինչո՞ւ ես այդպէս ասում,  
միթէ վնաս է քեզ Հայաստանի ազատ լինելը:

Թագաւորը լռեց. նա տխուր կերպով գը-  
լուխը կախ ձգեց:

Շահումեանը մտաւ. նա երկու ձեռքով  
բռնած ունէր խնդրագիրը: Մօտենալով թա-  
գաւորի թախտին՝ խօրը գլուխ տուեց ու  
խնդրագիրը յանձնեց Վախտանգին:

Շուտով մտաւ և թարգմանիչը, որ Աւ-  
թանգիլ հայ իշխանն էր:

Ընթերցումից յետոյ թագաւորը գլուխը կախ  
զցեց ու լուռ՝ մտածում էր. յետոյ նա փոքր  
ինչ խիտ ձայնով հարցրեց Շահումեանին.

— Ո՞վ ես դու:

— Ես Ստեփաննոս Շահումեանն եմ:

— Խնդրագրում յիշուած իշխաններից մէ-  
կը, լրացրեց Գաւիթ-բէգը:

— Բէգին երբ տեսար, դարձաւ թագա-  
ւորը կրկին Շահումեանին:

— Այսօր, պատասխանեց Շահումեանը:

— Ինչո՞ւ ուղղակի ինձ մօտ չ'եկար ու չ'յան-  
ձնեցիր այս թուղթը:

Շահումեանը լռեց: Գաւիթ-բէգը տաքա-  
ցաւ:

— Թագաւոր, նա չէր կարող քեզ մօտ գալ,  
մինչև իմ համաձայնութիւնս չառնէր, եթէ  
ես չ'ուզեմայի, դու ինձ զօրով էլ ղրկէիր, ես  
ոչինչ չէի կարող շինել, իսկ եթէ ես չըհամա-  
ձայնէի, նա կըղիմէր մի ուրիշի, որն ինքը



ցանկանար այդ սուրբ գործի առաջնորդութիւնը, ապա նա քեզ կըզիմէր, թողնելու նրան:

Թագաւորն իր փշրուած հայեացքը ձգեց Դաւիթ-բէգի վրա:

— Դէ գնահ, բէգ, Աստուած յաջողութիւն տայ...

— Թագաւոր, ես չեմ մոռանալ, որ դու իմ բարերարն ես եղած, բացահանչեց Դաւիթ-բէգն ու չոգեց թագաւորի առաջ: Թագաւորը համբուրեց նրա ճակատը:

## Է.

Երեք օր էր, ինչ Վախտանգ թագաւորը պալատից չէր դուրս գալիս: Նա սաստիկ տխուր էր, տխուր էր մանաւանդ, որ ոչ թէ միայն Դաւիթ-բէգին էր կորցնում, այլ ուրիշ դեռ շատ քաջ տղամարդիկ: Այս երեք օրում նրան ներկայացան Վրաստանի ամենաքաջ հայ զինւորներն ու անուանի զօրավարները. նրանք թուլաութիւն էին խնդրում նրանից միանալ Դաւիթ-բէգի հետ: Նրան արդէն հրաժարական էին տուել Բալինգուր, Աւթանդիլ, Փանտուր-Ձաքար, Իփօրգի հայ իշխաններն ու շատերը:

Նա զարմանում էր այս մարդկանց վրա, որսնք թողնելով հանգիստ ու վայելչութիւնով լի կեանքը՝ հայրենիքի ազատութիւնը լուսով վառուած՝ գնում էին դէմ դնելու կուրծքը արհաւիրքներին ու թնդանօթի ունմբներին. նա զարմանում էր ու տխրում, որ կորցնում էր նրանց:

Այս երրորդ օրը Դաւիթ-բէգը պիտի դուրս գար Վրաստանից իր ընկերներով:

Առաւօտուց Մցիխթը շարժումի մէջ էր: Յանկարծ երկիրը դղրդաց ու չորս հարիւր հայ ձիււորներ շրջապատեցին Վախտանգ թագաւորի պալատը:

Թագաւորը դուրս եկաւ պատշգամբ:

Նրան տեսնելուն պէս՝ հայ ձիււորները հրացաններն իջեցրին:

Վախտանգն երբ տեսաւ այդ հայրենիքի զինւորներին, նրանց զինավառութիւնը, կարգապահութիւնը, ոգևորուած ու լուսով լի ճակատները, նրա աչքերը ջրակալեցին:

Նա նայեց նրանց լուռ և ապա խօսեց.

«Կտրիճներ, այսօր դուք վճուել էք մահը գերագանց համարել կեանքից ու դրա համար թողնում էք սիրուն Վրաստանը, շտապում արիւնլուայ հայրենիք... հայրենիքի արժանաւոր օրգիք, դրա համար ես օրհնում եմ ձեզ:



«Քանչ հայեր, ձեր դէմքերի վրա նկարուած է բուռն ոգևորութիւն, ձեր դէմքերի վրա նկարուած է ձեր լաղթանակի-հաւատը—այս-քանը բաւական է.— դուք անլաղթելի կըմնաք. մեռնէք էլ, լաղթող կըմեռնէք. բայց, երբ ձեզ առաջնորդում է զիւցազն բէգը, սիրտ առէք, հայեր, աւետում եմ ձեզ՝ ձեր հայրե-նիքը ազատ էք տեսնելու»:

Ձիաւորների շարքերը դղրդացին. ոգևոր-ուած ու շարժուած կրճքերից դուրս թռան ահարկու ձայներ.

— Կեցցե՛ս թագաւոր, կեցցե՛ս Դաւիթ-բէգ... —

— Կեցցե՛ս... Դաւիթ-բէգ... կրկնեցին Կով-կասի լեռները:

«Քանչ հայեր, շարունակեց թագաւորը, սի-րեցի ձեզ. դուք գիտէք իմ ուժը—եթէ պէտք գամ ձեզ, զիմեցէք ինձ, բայց դուք էլ չ'մոռանաք ձեզ սնող Վրաստանը. բէգ, չըմո-ռանաս քո Վախտանգին...»

Արտասուէքը խեղդեց նորա ձայնը. նա էլ չըկարողացաւ շարունակել: Դաւիթ-բէգը սան-դուլներէից վեր վազեց և ուղղակի փաթաթ-ուեց նրա վզին. նրանք համբուրուում էին:

Դաւիթ-բէգը կրկին ցած վազեց ու նշան տուեց:

Ազատների խումբը դուռաց. «մնաս բարով, թագաւոր» ու չորս հարիւր հրացան միաձայն ճայթեցին, իսկ լեռները բազմապատկեցին հրացանների թնդիւնը:

Դաւիթ-բէգն առաջ անցաւ. նրա աջ կող-մը բռնեց Ծահուճեանը:

— Առանջ, դուռաց Դաւիթ-բէգը:

Ձիաների սանձերը թոյլ թողնուեցան. ա-զատների գունդն արշաւեց ահեղ հրամանա-տարի լեռեից... —

Վախտանգ թագաւորը պալատի կտուրը բարձրացաւ, որ երկար տեսնի այդ ազատու-թեան զինուորներին:

Խումբը հետզհետէ նրա աչքում փոքրա-նում էր. նրան ծածկում էր երբեմն ձիաների ստի տակի փոշին, երբեմն անհետանում:

Փոշին մէկ անգամ էլ նրանց շրջապատեց, մէկ անգամ էլ քամուց բշուեց, բայց այս ան-գամ այլ չէր երևում ազատների գունդը... —

Թագաւորը սփրթնել էր, նրա աչքերը կարմ-րել էին. նա դարձաւ գէպի իրան շրջապա-տող վրացի իշխաններին ու ասաց:

— Ահա՛ ձեզ մարդիկ... —



Գաւիթ-բէգն իր գնդով վաղուց արդէն գուրս էր եկել Վրաստանի մայրաքաղաքից ու մօտենում էր Ղարաբաղին: Չանսպարհին նրանց պատմում էին շատ գիւղացիներ, որ Ղարաբաղում ապստամբութիւն կալ, որ հայերը կուռնում են թուրքերի հետ...

Զիաւորները նկատեցին, որ կապուտակ երկինքն այն կողմը, գէպի ուր գնում էին նրանք, հետզհետէ սկսում էր մթնանալ, կարծես սև սև ամպեր սպառնում էին այնտեղ խաղաղ երկինքին. Ղարաբաղի մթին լեռներն էին զրանք:

Բայց այդ լեռներից որոտումի ձայներ էին լսում, կարծես ամպերը կուռնում էին այնտեղ իրար հետ ու նրանց խուլ արձագանգը երբեմն լսում էր, երբեմն ընդհատում:

Զիաւորներն ուշագրութիւնով սկսան ակնջ գնել:

— Կուիւ կալ այնտեղ, ասաց Գաւիթ-բէգը, այդ հրացանների թնդիւններն են, պէտք է շտապենք:

Զիաներն արագ-արագ ընթանում էին. սև սև լեռներն արդէն պարզ էին երևում, նրանք կարծես կախուած էին երկնքից:

Զիաւորները մտան մի ձոր, որն սկսուում էր հետզհետէ նեղանալ, մթնանալ ու բարձրանալով՝ կորչում էր զանազան պտուտներով, նրան երկու կողմից պատում էին լերկ ահարկու ժայռեր. ձորի գլխից հոսում էր մի գետակ շուռչելով ու փրփրալով:

Մեր ճամբորդները լսեցին ձորի խորքից ձիաների ոտքերի տրոփիւն. յանկարծ մի անտեսանելի կրճից գուրս թռան երկուհարիւրի չափ ձիաւորներ և սկսան Գաւիթ-բէգի զօրքերի կողմ արշաւել. նրանց առաջ ընթանում էր մի հսկայ ձիաւոր ահագին մերկ սուրբ ձեռքին:

Գա Սպրայիլ աւազակապետն էր...

Սպրայիսով առաջին անգամ Սպրայիլը միացաւ Գաւիթ-բէգի հետ:

Աւազակապետը յայտնեց, որ փոքր ինչ առաջ այս ձորի միջում գործ էր ունեցել թուրքերի հետ, որոնք Գաւիթ-բէգի գալու լուրն առնելով, ուզեցել էին նրա ճանսպարհը բռնել. նրանց վրա յանկարծակի յարձակուել էր ինքն ու լեռ վառտել նրանց բռնած տեղերից: Ահա, թէ ինչ հրացանների թնդիւններ էին լսում Գաւիթ-բէգն իր ուղեկիցներով:

Միթարը յանձնեց Գաւիթ-բէգին Շէնհէր ամրոցի բանալիները, որն արդէն գրաւել էր ինքը:



Եւ ահա 1722 թւականին, մայիս ամսուայ մի սիրուն երեկոյ Գաւիթ-բէգն ազատների գնդով մօտենում էր Շէնհէրին:

Սիրուն էր այն երեկոն... Արևն երկնքի բարձրութիւնից քնքշութիւնով նայում էր հայրենիքի զինւորներին. գէնքերն ու զրահները փայլում էին նրա ճառագայթների տակ. թեթև քամին շարժում էր հայկական դրօշակը:

Գաւիթ-բէգն ընթանում էր իր գնդի առաջ՝ հեծած ամենհի սև ձին. նրա գլուխը կախ էր ընկել կրծքի վրա. նա բոլորովին խորասուզուած էր մտածմունքներում.— քանի՛, քանի՛ տարիներ էին անցել. ինչ նա չէր տեսել իր ծանօթ տեղերը, իր մնայլ ու սիրուն հայրենիքը...

Նրա լետեից ընթանում էին Արաստանի հայ իշխաններն երիտասարդ Շահումեանի և Ազրայիլ Մխիթարի հետ միասին ու լետոյ հայ զինւորների գունդը: Բոլորի գէմքերի վրա փայլում էր սգևորութիւնը, բոլորը զբաղուած էին մի մտքով— շուտով կուլի գուրս կանչել անխիղճ թշնամիներին, շուտով նրանց հետ չափուել ուժերով...

— Գէպի ամրոցը, լսուեցաւ Գաւիթ-բէգի հզօր ձայնն ու մի բոպէից լետոյ ազատների գունդն ամրոցն էր մտնում, որի վրա նոյնպէս ծածանում էր արդէն հայկական դրօշակը...

Գաւիթ-բէգը հրամայեց ամրացնել Շէնհէրը: Պարիսպները նորոգուում էին, փորուում փոսեր, մզկիթի տեղ վերականգնում էր մատուռը տէրունական խաչը գլխին...

Ամէն կողմից Գաւիթ-բէգին օգնելու էին գալիս հայերը, երգում, որ կրկատարեն նրա ամէն մի հրամանը, որ կըմեռնեն նրա հետ:

Եկաւ Չոբան-թիւնին լիսուն զինւորուած հովիւ գլուխն հաւաքած:

Այսպիսով երկու շաբաթուայ ընթացքում չորս հազար ընտիր տղամարդիկ պատրաստ էին Գաւիթ-բէգի մի խօսքի հետ կուլ գնալ, որին ամէնքը սպասում էին անհամբեր...

Հեռու տեղերից աւելի ուրախ լուրեր էին հասնում. Չափսգուրի ու Գուրհամի Թորոս ու Պապ քաջ հայ իշխանները սաստիկ ջարդ էին տուել իրանց գաւառի թուրքերին ու գրաւել բոլոր կրճերը. նրանք գալիս էին Գաւիթ-բէգի հետ միանալու:

Հալիձորցի Տէր-Աւետիքը մի կողմ էր գրել խաչը, գցել ֆարաջան ու ձեռքին սուր, գլխին փափախ՝ կրակ էր տուել իր կողմի բոլոր թուրք գիւղերը. իր ծուխից կազմել էր մի գունդ ու շտապով գալիս էր Շէնհէր

Բայց թուրքերը գրաւել էին արդէն Շէնհէրի շրջականները, իրանց բոլոր ուժը կենդրոնացրել այդ տեղերում. գիտէին, որ Շէն-



հէրուճն է Ղարաբաղի յայտը, Ղարաբաղի նե-  
ցուկը...

Երբ Գաւիթ-բէգը վերջնականապէս իմա-  
ցաւ թշնամի զօրքերի թիւը, դերքն ու մի-  
ջոցները, յայտնեց իր գնդերին, որ հետևեալ  
առաւօտ նրանց կուլի է տանելու:

Ամբողջ գիշերն անցաւ լուռ. ո՛չ մի ձայն  
չէր լսուում հայ զօրքերի մէջ, — ո՛չ աղմուկ,  
ո՛չ ծիծաղ...

Տաթևի ծերունի եպիսկոպոսն օծեց հայկա-  
կան դրօշակներն ու օրհնեց հայ զինուորներին...

### Թ.

.... Ու հասու առաւօտը, արևնալի կուլի  
առաւօտը: Գեռ արևը չէր սսկէգօծել Ղարա-  
բաղի գագաթները, դեռ առաւօտեան հովը  
չէր սօսափեցրել ծառերի տերևները, դեռ  
երգիչ թռչունները չէին աւետել արշալուսի  
բացուելը՝ երբ հայ զինուորներն արգէն սոքի  
վրա էին. հանդարտ, անձայն, կարգով նրանք  
գնդերի էին բաժանուում. իւրաքանչիւր գնդա-  
պետ իրան յանձնած գնդի առաջն էր անցնում:  
Գաւիթ-բէգը դեռ չէր գուրս եկել. նրան ա-  
մենքը սպասում էին, ու ահա նա երևեցաւ:  
Հանդարտ վեհօրէն մօտենում էր զօրքերին:

Հայ զինուորները ցնծութեան աղաղակնե-  
րով նրան ընդունեցին. նա նշան արեց, որ  
ուզում է խօսել և ահա տիրեց խորին  
լուռութիւն.

«Ինձ աւելորդ է ձեզ բացատրել, սիրելի  
եղբայրներ, թէ ինչի համար այսօր կուլի ենք  
գնում. մենք փառքի համար չենք թողել մեր  
ընտանիքը, մեր կիսակործան տները... մենք  
գնում ենք նորից ձեռք բերելու այն ազատու-  
թիւնն ու անկախութիւնը, որը մեզնից խլել  
էին մեր թշնամիները. մենք գնում ենք  
վրէժխնդիր լինելու մեր յափշտակիչներից:  
Մենք քիչ ենք, թշնամիները շատ են, բայց  
տառապեալների Աստուածը մեր կողմն է լինե-  
լու: Գուք գիտէք, որ երբ մարդուց խլում են  
նրա ամենաթանկագին բանը, նրան յուսահա-  
տութեան են հասցնում ու նա վճռում է  
ձեռք բերել նորից իր կորցրածը, այն ժամա-  
նակ ո՛չ մի ուժ աշխարհիս վրա չի կարող  
նրան յաղթահարել...»

«Այսօր մենք գնում ենք նորից ձեռք բերե-  
լու մեզանից խլուածը, գնում ենք փրկելու  
մեր եղբայրներին, մեր հայրենիքը,՝ մեր  
փառաւոր եկեղեցին... Եւ Աստուած մի արաս-  
ցէ, որ գատապարտեն մեզ մեր սերունդները,  
թէ մենք անարժան կերպով կատարեցինք



մեր պարտականութիւնը... Աւելի լաւ է՝ մենք բոլորս էլ մեռնենք, քան տեսնենք մեր թըշնամու յաղթութիւնը... Դէ, շուտով, եղբայրներ, շտապէ՛ք կուլի դաշտը ու թող լուսաւորչի Աջը հովանի լինի մեզ վրա»...

Եւ սկսաւ կոտորածը . . . . .

Այդ ամպերը չեն, որ որոտում են երկնքում, այդ կայծակները չեն, որ փայլատակում են ամպերում, — այդ սրերն են, որ շառաչում են, այդ կայծերն են, որ թափւում են սրերից...

Տնքում են լեռները, տնքում են հովիտները, դողում է երկիրն ու ցնծում են Արցախի ալեւոր լեռները, որ նորից տեսնում են իրանց որդկերանց պատերազմը, լսում են հրացանների թնդիւնը, կուլի աղաղակները... Ա՛վ տէր Աստուած. դ՛ու օգնես մեզ: —

Արդէն արեւը կանգնած է բարձր երկնքում, արդէն նա վաղուց նայում է կոտորածին, բայց ճակատամարտը դեռ շարունակւում է:

Առիւծների պէս կուլում են հայերը. թուրքերն լետ չեն քաշւում, գիտեն շները, որ եթէ լետ քաշուեն էլ չեն տեսնելու Ղարաբաղը...

Դաւիթ-բէգը հոգէհան հրեշտակի պէս յարձակւում է թուրքերի ամենախուռն շարքերի վրա. նրա դէմքը զարհուրելի է, նրա աչքերից կայծակներ են թափւում:

Նրա երկայն մազերը ծածանում էին օդում...

Փնտուում է նա գլխաւոր չարագործին, թուրքերի հրամանատար Զիվանշիր-բէգին, որն այնքան անմեղ զոհեր կորցրեց, որն այնքան հայկական արիւն թափեց...

Արդէն արեւը թէքւում է դէպի արեւմուտք, արդէն լեռների ստուերները սկսել են երկարանալ, արդէն շատ քաջեր ընկել են երկու կողմից, բայց պատերազմը դեռ շարունակւում է...

Կատաղած են մարդիկ, կատաղած են նժույգները... Ընկածների տնքոցը, սրերի շառաչիւնը, հրացանների որոտը, ձիաների փնչոցը միանում էին, ու Ղարաբաղի լեռները նրանց խուլ արձագանգ էին տալիս...

Եւ ահա Դաւիթ-բէգը տեսաւ Զիվանշիր-բէգին. —

Ինչպէս արծիւն ամպերի միջից յարձակւում է իր որսի վրա, այնպէս Դաւիթ-բէգը յարձակուեց Զիվանշիր-բէգի վրա:

— Հէյ գեաուր-օղլի, գեաուր, սատակիր շան պէս, դուռաց Զիվանշիր-բէգը ատենելով Դաւիթ-բէգին, իմ սուրը վաղուց սպասում է քեզ:

Ու նա էլ Դաւիթ-բէգի վրայ յարձակուեց. — հանդիպեցան երկու հերոսներն ու սկսուեց մենամարտը...



Եւ գլորուեցաւ չարագործի գլուխը բազմատառայ երկրի վրա . . . . .

«Ալլահ, ալլահ», գոռացին թուրքերը, տեսնելով իրանց հրամանատարի մահն ու կտաղաբար շրջապատեցին Գաւիթ-բէգին...

Բայց չէ նիհրում նա—ինչպէս առիւծ պաշտպանուում է, ինչպէս հնձած խոտ գլորուում են նրա շուրջ անհաւատները:

Բայց տեսնում է Գաւիթ-բէգը, որ թուրքերը հետզհետէ շատանում են, որ նրա ուժը հետզհետէ թուլանում է ու վախը, վախը սուրբ դործի համար մտնում է նրա սիրտը...

Բայց ասան շփոթուում են թուրքերի շարքերը. նրանք անկարգ ցրուում են: Շուռ տուեց երեսը Գաւիթ-բէգն ու տեսնում է, որ դարանից շտապում է Մխիթարի թարմ գունդը.—

Այս գունդը սպասում էր պատերազմի վրձնական ժամին—

Ինչպէս գժոխքի որդի, զարհուրելի՛ ինչպէս ինքը մահը, ինչպէս դե. սլանում է Ազրախլը կուրի դաշտն ու նրա լեռներից հինգ հարիւր ձիաւոր . . . . .

Եւ չ'գիմացան թուրքերն ու վայրենի ազդակներով փախուստի դարձան . . . . .

. . . . .  
Փողերի ձայներով, բացած դրոշակներով դառնում են կուրից հայերն ամբողջ ու ուղղում Աստուծուն ջերմ աղօթքներ յաղթանակի համար. . . . .

Վ Ե Ր Ջ Ա Բ Ա Ն

Անցաւ հինգ տարի: Արդէն ոչ մի թուրք չըկալ Ղարաբաղում, ոչ մէկը նրանցից իր պիղծ շնչով չէ կեղտոտում քրիստոնէական սուրբ հողը...

Հալիձորի ամրոցում առաւօտից հնչում են զանգակները: Բնակիչները տօնի հագուստներով դուրս թափուեցան փողոցներն ու հրապարակը...

Եկեղեցում հանդիսաւոր պատարագ կալ: Բարձրանում են խնկի ու կնդրուկի հետ դէպի երկինք քահուստեան աղօթքներ հայրենիքի ազատուելու համար...

Պատարագը վերջացաւ: Գաւիթ-բէգը դուրս եկաւ եկեղեցուց:

Մտեցաւ նրան պարսիկների Թահմազ-Շահի զեապանը, չոգեց նրա առաջ ու կարգաց բարձր ձայնով Շահի հրովարտակը:

Հրովարտակում ասուած էր, որ Շահը հաստատում է Գաւիթ-բէգին Ղարաբաղի ու բո-



լոր նրա տիրած երկրների անկախ էջխան .

. . . , . . . . . , . . . . .

Եւ խնդում է ժողովուրդն ու խօսում է իր  
էջխանի վրա, իսկ աշուղները տարածում են  
նրա գովքը աշխարհից աշխարհ:





«Ազգային գրադարան»



NL0321306



17.545

